

Bájkkeavijssa NuorttaSálto

Nuortta-Vuona identitehtta, sámevuohhta

Ávdep lávvodagá oattjoj Jack Berntsen gudnev majt ánsidij nágin artistajs ja dájddárijs ja bielle tuvsán gulldaliddijs Hábmehállan. Akta sijájs guhti sienas oassálastij lij Lars Magne Andreassen.

- Lidjiv ilá nuorra "vijssoáron" 70- ja 80-jagijn, valla diedon le dav majt Jack ja da iehtjáda dalloj dahkin, muv álov arvusmahtám. Gá mån gitárajn spieledahtjiv ja vijsojt lávllögáhtiv biregin, de ham álu nuorttavuona vijsojt lávludalliv.

Sienas Hábmehállan subtsastij Lars gulldaliddijda 80-jagijis, kafeas Narvikan. Jack lij trubadura dan iehkeda, ja muhthem báttán nuorra Andreassen oattjoj artista gitárav luojkkat. – Jus le juojddá majna mij artista lip várogisá, de le instrumentajt nuppijda luojkadit, dan diehti lij dát munji stuorak. Ja ittjij danna ganuga, gá Jack gitárav galgaj viedtjat konsertav joarkátjit, de oattjojma suv lávlotjit "Trollet i Senja" mijá bievde guoran. Havsskes mujtto, subtsastij Andreassen.

Jack Berntsen ájnas roalla nuorttavuona identitehta nannijiddjen le sierraláhkáj maŋep ájgijn dáhkkiiduvvam ja árvvon anedum. Dalloj, gá Jack ja da ietjá artista nuorttavuonak vijsojt ja nuorttavuonak giellasuorgev adnin, gá Bodo-Glimt vuona ávdemus bállotjiekttjamlágaj gaskaj bádi, gá Dædnogátte nuora juojgas popmushikav dahkin ja Sverre Kjeldsberg ja Mattis Hætta vuojttijga vuona Melodi Grand Prix-finálav, gá juojgajn li "stuoráp fábmotuvtas" – dalloj nuorttavuona álm mugin lij iesjárvo ja jasskavuohhta ietjas histávras, kultuvras ja identitehtas. Ja sámevuohhta sjattaj ájnas oasse dán almulasj gáhttsámis. Ij lim loahpe juojggat máttijn skávlájn Finnmárkon gitta 1970-jagijda, ja gá Dædnogátte nuora jagen 1974 juojgav pláhtan spieledij ja dajna vuorbástuvvin, dát álov ávdedij. Lars Andreassen mujttá jienajt suv mánnávuodas ja bajássjaddamis:

- Áhttjám musihkav ástij, ja jiena li diedalasjuodan. Dædnogátte nuora ja Nils-Aslak Valkeapää vuostatjijn báhtin, valla maŋepela oattjojma stuorámusáv, Mari Boine, guhti diedalattjat le veráltartissta, miejnni sán.

Lars ietjas musihkav ja persávnáv vuojnná oassen- ja joarkkan nuorttavuonak árbes

duola dagu Jack Berntsen ja sáme artistaj maŋepela.

- Iv mån dav ájádala, valla vuojnáv hárho


manná mujsta ja muv musihkas Jackaj ja da ietjá njunnjutjijda. Le riikaguovlloperspektijvva álos majt dagáv ja ájgov dahkat, ja diedon guosská álo nuorttavuonak ja sáme identitehtav, julevsáme identitehtav. Lej viek stuorra ávvo munji bessat Jackav sjálledit lávvodagá. Ittjiv ávvá juorrula gá Rolf Steffensen muv riŋguj gatjádittjat jus ájgguv oassálastet.

Javllaj 2007 almodij Lars Andreassen histávra vuostasj CD:av ádáággásasj musihkajn julevsámegiellaj, "Bálges".

Sjálledij Jack Berntsenav. Lars Magne Andreassen lij akta artistajs gudi ávdep lávvodagá Jack Berntsenav sjálledin sienas Hábmehállan – badjelasj 500 gulldaliddij. Hyllet Jack Berntsen. Lars Magne Andreassen var en av artistene som sist lørdag hyllet Jack Berntsen fra scenen i Hamarøyhallen – foran over 500 tilhørere.

Akta lávllagijis le "Merrasábmelasj", Mari Boines tjáledum.

- Juska moadda artista li oassálastám muv musihkalasj ávddánahttemij, de le gájt Mari Boine muv ájnnašamos bagádalle læhkám, sierraláhkáj mij guosská sáme oassáj. Ja mujna le sávdus akti suv siegen sienan tjuodtjot. Dat lij gal stuorre liehket, hæjttá Lars Andreassen.



Guddneduváj. Jack Berntsen. Ble satt stor pris på. Jack Berntsen.



Tæksta: Børge Strandskog
Järggálibme: Divte Media AS



Ávdediddje. Gá Dædnogátte nuora jagen 1974 juojgav pláhtan spieledij ja dajna vuorbástuvvin, dát álov ávdedij. Banebrytende. Da Tanabreddens Ungdom i 1974 spilte inn joik på plate og fikk suksess med det, så var det banebrytende på flere vis.

